

GOJRI NEWS BULLETIN

25 FEB 2025

1700 HRS

اوننگ گوجری نیوز بولیشن 25 فروری 2025

یوہ آکاشوانی جموں ہے عبدالرحمان تے نصرت تیں خبر سُنو۔

HEADLINES

۱. لیفٹیننٹ گورنر منوج سنہا نے کہیو ہے کہ ترقی یافتہ بھارت بنان مانہہ جموں کشمیر غو کردار ملک غا باقی حسان تیں کہٹ نہیں ہون لگو۔
۲. زیراعلیٰ عمر عبداللہ نے جموں کشمیر غی معشیت مانہہ جموں غے اندر مزہبی تے سرحدی سیاحت غی اہمیت ور تبادلہ خیال کیو ہے۔
۳. جموں کشمیر اسمبلی غا سپیکر نے کہیو ہے کہ ضابطاں غی خلاف ورزی کرغے کوئی وی نوٹس شائع نہ کیو جے۔
۴. چیف سیکرٹری نے پردھان منتری شہری ۲ اشاریہ صفر اسکیم غا اہل افراد غی نشاندہی وستے کی گئی تیاریاں غو جائیزو لیو ہے۔
۵. جموں کشمیر مانہہ کئی علاقہ غے اندر اج تیں اگلا ۳ دن تک بھاری بارش تے برف باری ہوسکے۔

LG INTERVIEW

لیفٹیننٹ گورنر منوج سنہا نے اعتماد ظاہر کیو ہے کہ ترقی یافتہ بھارت بنان مانہہ جموں کشمیر غو کردار ملک غا باقی حسان غے برابر وے گو۔ موصوف نے جموں کشمیر غے اندر سیاحت زراعت تے دیگر شعباں غی صلاحیت متعلق نجی زرائع ابلاغ تنظیم نال گل بات کی اس دوران ایل ضی موصوف نے مزکورہ صنعتاں غی ترقی وستے چایا گیا اقدامات غو زکر کیو۔ موصوف نے کہیو کہ ان صنعتاں غی لگاتار ترقی نال یوہ علاقو ملک غی ترقی مانہہ اپنو اہم کردار ادا کر رہیو ہے۔ جموں کشمیر غے اندر اس طرح غی صلاحیت تے زریعہ موجود ہیں جن نال ملک غی مجموعی ترقی نانہہ یقین بنان مانہہ جموں کشمیر غو کردار واضع رے۔ اس موقع ور بولتا واں ایل جی موصوف نے اس طرح کہیو۔

CM INTERVIEW

وزیر اعلیٰ عمر عبداللہ نے کہیو ہے کہ جموں کشمیر غی معشیت مانہہ سیاحت گو برو اہم کردار ہے تے اس علاقہ غے اندر بلخصوص جموں مانہہ مزہبی تے سرحدی سیاحت غی صلاحیت بے مثال ہے موصوف نے کہیو کہ علاقہ غو عظیم ثقافتی ور ثو تے بہترین جگہ سیاحاں نانہہ اپنی طرف متوجہ کریں جس نال مقامی معشیت مانہہ اضافو وے وزیر اعلیٰ نے جموں کشمیر غا بے روز گار نوجواناں وستے روز گار غا بہتر موقعہ دستیاب کران غی ضرورت ور زور پایو۔ روز گار منڈی غی صورتحال ور تبادلہ خیال کرتا مانہہ موصوف نے بے روز گار نوجواناں غی صلاحیت سازی ور زور پایو تاکہ وے روز گار غا موقعہ حاصل کرسکیں۔ اس موقع ور بولتا مانہہ وزیر اعلیٰ نے اس طرح کہیو۔

SPEAKER RULES

جموں کشمیر غی قانون ساز اسمبلی غا سپیکر عبدالرحیم راتھر نے اج قانون بنان غا طریقہ غی اہمیت ور زور دتو تے کہیو ایوان غا اصولاں غی پابندی ضروری ہے زرائع ابلاغ نال گل کرتا واں انہاں نے کہیو جد توڑی کوئے نوٹس سپیکر غی طرفوں منظور نہ ہو تے ارکان نانہہ نہ دتو جے اُس نانہہ عام نہیں کرنو چاہیے جسراں کہ قاعدہ ۸۶۳ مانہہ لکھیو ہے۔ اسی طرح سوالات گا نوٹس اُس وقت تک عوام نانہہ نہیں بتانو چاہیے جد توڑی

ایوان مانہہ اُن گا جواب نہ دتا جیں سپیکر نے حالیہ اصول توڑن غا واقعہ ور فکر ظاہر کی تے خبر دار کیو کہ اگر ایسو ہوتو رہیو تاں سخت کاروائی کی جے گی۔

WATERSHED RAJOURI

پانی بچان واسطے ایک اہم قدم گا طور ور پردہان منتری کرشی سنجائی یوجنہ ۲ اشاریہ صفر غے تحت واٹر شیڈ یاثرہ جد ضلع راجوری پُچی تے راجوری مانہہ گرم جوشی غے نال استقبال کیو گیو اس موقع ور ڈونگی غا ضلع ترقیاتی افسر غا دفتر مانہہ ایک خاص پروگرام غو انعقاد کیو گیو جس غو مقصد پانی نانہہ محفوظ کرنو مٹی نانہہ بچانو تے بارش غا پانی غو صیح استعمال کرنو تھو۔ اس پروگرام مانہہ مقامی افسر سابق پنچائتی نمائندہ تے علاقہ غا لوک شامل تھو۔ اس تقریب مانہہ راجوری غا رکن اسمبلی افتکار احمد تے راجوری ضلع غا ترقیاتی کونسل غا چئیر مین نسیم لیاقت وی موجود تھو۔ اس سلسلہ مانہہ گل کرتا واں جناب نسیم لیاقت نے اس طرح کہیو۔

CS HOUSING

چیف سیکرٹری اٹل ڈلو نے اج گھراں غی تعمیر تے شہری ترقی محکمہ کی ایک میٹنگ غی صدارت کی جس دوران موصوف نے پورا جموں کشمیر غے اندر آئیندہ گھراں غا سروے غے دوران بے گھر لوکاں غی نشاندہی کرن ور خصوصی توجہ دین غو ذکر کیو ہے بوہ سروے منصوبہ بند ترقی تے دیکھ ریکھ محکمہ گا سانجہ تال میل نال کرایو جے غو اور اس نال پردہان منتری آواس یوجنا شہری ۲ اشاریہ صفر وستے ضروری لوازمات وی طے ہو جیں گاہر دہان منتری آواس یوجنا شہری گا مشن دائریکٹر آشیش گپتا نے دسیو ہے کہ ای ڈبلیو ایس، ایل آئی سی تے ایم آئی جی زمرہ غ اگنبہ جہڑا جے شہری علاقہ مانہہ رہائش کریں تے اُن غے یاہ اُن گا گنبہ غا کسے وی فرد غے نام کوئے پکو مکان نہیں ہے وے اس اسکیم وستے اہل قرار دتا جئیں غا۔

RAMBAN VATSALYA

مرکزی حکومت غا مشن وٹسلیہ غے تحت رام بن ضلع مانہہ بغیر ماں باپ غے بطہ تے بے سہارا بچاں کی دیکھ بھال واسطے اہم قدم چاہیو گیو سماجی بہبود غی طرفوں چلايو جان آلو پھل واڑی مرکز مانہہ ۶ براں غی عمر گا بچاں غی مکمل دیکھ بھال کی جارہی ہے۔ ضلع سماجی بہبود غا افسر رائل گپتا نے دسیو کہ ہُن توڑی ۴ بچاں نانہہ اُن لائین اندراج تیں بعد گود لیو کیو ہے۔ اُنہاں نے مزید اس طرح کہیو۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ

ڈگری یا فر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہہ تجربو وی ضروری

ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی

ضروری دستاویزات غے ہمراہ بیڈ ریجنل نیوز یونٹ آکاشوانی پنجتر تھی جموں مانہ بزات خود آئیندہ 7 مارچ

ور www.newsonair.gov.in توڑی دے سکیں۔ اس بارے مزید جانکاری ویب سائٹ

دستیاب ہے۔

STRAWBERRY FARM UDH

ادھمپور ضلع غا کسان جہیڑا سٹابری لاویں اُن واسطے حالیہ بارش خوشی لے غے آئی ہے پہلا بارش نہ ہون
غی وجہ تیں فصل خراب ہو رہی تھی لیکن ہُن بارش تیں بعد کھیت ہرا بھرا ہو گیا ہیں تے پودا د پُل دین لگیا ہیں۔
جہیڑا کسان پہلا نقصان غا بارا مانہ فکر مند تھا ان اُنہاں نانہ اچھی پیداوار غی امید ہے حکومت غی طرفوں
ملن آلی مالی امداد تیں کساناں نانہ اپنا کم غو اچھو نتیجو ملن غی امید ہے چھائی گراں غا کسان رش پال سنگھ
نے اپنو تجربو سانجہ کرتا واں اس طرح کہیو۔

WEATHER

محکمہ موسمیات نے دسیو کہ اج شام تیں ۸۲ فروری توڑی جموں کشمیر مانہ برائش تے برف باری
ہوسکے۔ آکاشوانی جموں گا نمائیندہ غی رپوٹ غے مطابق شمالی کشمیر تے کشمیر غا درمیانہ علاقان مانہ اج
شام تیں ہلکی بارش تے برف باری وے غی۔ جہیڑی ۷۲ تے ۸۲ فروری نانہ تیز ہو جے غی۔ اس دوران کشمیر
غا اچا علاقان مانہ زیادہ برف باری وے غی۔ خاص طور ور گلمرگ،
سونامرگ، بارہمولہ، بانڈیپورہ، کپواڑہ، شوپیان، قاضی گنڈ، رام بن، ڈوڈھ، کشتواڑ۔ جنوبی کشمیر تے وادی چناب
غا گجھ علاقہ۔
